

# საქართველოს საბჭოთაო



მიწის ძვრის ქალაქ გორში.



№  
15

1920 წ.

თებერვლ. 29



1. რკინის გზის სადგურის ფანა შხარე. 2. თფილისის ქუჩა, საფრთხი სურათი.

# გორი დაინგრა, ქართველო!...

ვინა სთქვა: „კაცი ქართველი ძუნწია, არა უხვია“... ამისმა მთქმელმან უცილოდ სიმართლის გზასა უხვია? სხვამ, უკეთესად ქართველთა, წნლული ძმას ვინმცა უხვია? სიკეთით უხვობს ქართველი, ვით საქართველო უხვია.

იქ, სადაც გორი ქალაქი, სდგა დასაწყისით თვისითა, ზურგი აჭკავდა ქვეყანას... ღამით და კლავცა დღისითა, აჭკავდა, ფხანა მოუნდა; ხელით მოიფხანს ვისითა? შეათამაშა ქორორი და დაგვსვა გულით მქისითა.

გორი დაინგრა ქალაქი, სიმშვენით შეუდარებში!.. დაინგრა ციხე იმისი, ვინ მტერთ დაუხშის კარები, დაინგრა ჯვარი გორისა, მუნ მთისა წყვრად მდგარები, დაინგრა არე სოფელთა ტურთა და ნაბადნარები.

გორი დაინგრა ქალაქი, ქართლის გული და თვალია, გვერდით რომ მტკვარი უზბოდა, კლავცა ლიხვის წყალია. თავზე რომ ედგა ლურჯი ცა, მზეთა ემოსა ძალია, გორი დაინგრა... ვუშველოთ, გვაწევს ამასი ვალია!..

გორი დაინგრა. დაობლდა ქათველთა მიწა მამული. ხალხი ამოწყდა. ცოცხალნიც სხედან მუნ ცრემლით ნამული. აღარ სჩანს ლხინი ქართლისა, გორშიგან მარადეამული... წითელი ღვინო უყვარდათ, მწვანელი, თევზი ხრამული...

ნოემა ბრძანა: — „გორის წილ იგვოს გორი კლავცო.“  
ეჭა, ქართველო, ქარშიგან ჰხამს გული გაიმამაცო! მოიკელ ამა ქამისად მოლბენაც, სმაცა, ჰამაცო, გორს დაეხმარეთ ყველანი: შვილიც, დედაც და მამაცო.

ვინა სთქვა: „კაცი ქართველი ძუნწია, არა უხვია“ ამისმა მთქმელმან უცილოდ სიმართლის გზასა უხვია. სხვამ, უკეთესად ქართველთა, წყლული ძმას ვინმცა უხვია, სიკეთით მდიდრობს ქართველი, ვით საქართველო უხვია.

## მიწის ძვრა ეშმაკი.

(სამეცნიერო გამოკვლევა)

მიწის ძვრისა და მის გამომწვევ მიზეზთა შესახებ მრავალ გვარი თეორია არსებობს, ხოლო ყველაზე უფრო გავრცელებული და მიღებულია ის თეორიები, რომელნიც ბუნების ამ საშინელ მოვლენას დედამიწის საფუძველის განძრევას უკავშირებენ.

ამისდაგვარათ, „საგნის“ ადვილათ გამოკვლევისათვის, საკითხის სათანადოთ გაშუქებისათვის და გამარტივებისათვის საჭიროა, უპირველეს ყოვლისა განვიხილოთ, რას წარმოადგენენ ის საფუძველნი, რომლებზედაც, ზემოხსენებულ თეორიების თანახმად, დამყარებულია ჩვენი ქვეყანა.

დავიწყოთ ეგრე წოდებულის „დავითის თეორიით.“

წინასწარმეტყველი და მეფე დავითი თავის ას მესამე ფსალმუნის მეექვსე ვალობაში ამბობს:

„რომელმან (იგულისხმება: ღმერთმან) დააფუ-

ძნა ქვეყანაჲ სიმტკიცესა ზედა თვისსა, არა შეიძრას იგი უკუნითი უკუნისამდე“

აქედან აშკარაა, რომ დავით წინასწარმეტყველი იმ საფუძველად, რომელზედც ჩვენი ქვეყანაა დაყრდნობილი, ღმერთის სიმტკიცესა სთვლის.

ჩვენ ვერ ვეთანხმებით პატივცემულ დავითის აზრს და გვგონია, რომ მისი თეორია შემცდარია.

მართლაც, უკეთუ დავითის სიტყვებს გულდასმით ჩაუყვირდებით, ნათლად დავინახავთ, რომ ღმერთს წინდა წინვე გათვალწინებული ჰქონია მოსალოდნელი მიწის ძვრანი და მათ ასაცილებლათ („რათა არა შეიძრას უკუნითი უკუნისამდე“) დედამიწა „სიმტკიცესა ზედა თვისსა“ დაუწყარებია.

მიუხედავათ ამისა, ჩვენ ვიცით, რომ მიწის ძვრა მრავალ გზის მოხდა და სამწუხაროდ ხდება კიდევ ქვეყანაზე.



ხოლო, ვინაიდან მიწის ძვრას ქვეყნის საფუძველის რყევა იწვევს, გამოდის რომ სიმტიცე ღვთისა ფრიად მერყევი საძირკველი ყოფილა, ასე რომ ღმერთს თავისი კეთილი განზრახვა ვერ შეუსრულებია.

პატივცემულ დავითს, დარწმუნებული ვარ, ჩვენზე ნაკლებად არა სწამდა ღმერთის ყოვლის შემძლებლობა და რომ ჰგონებოდა, მის სიტყვებისაგან, სრულიად ლოგიკურათ ვინმე ასეთ ღვთის საგმობ აზრს დაასკვნიდა, დაუყონებლივ აიღებდა ხელს თავის თეორიაზე.

ამისდაგვარად, „დავითის თეორია“ ყოვლად უსუსურია და „სიმტიცე ღმერთისა“ არამც და არამც ქვეყნის საფუძვლად არ ჩაითვლება.

მეორე თეორია გახლავთ „ხარის თეორია“.

თანახვად ამ თეორიასა დედა მიწა ეყრდნობა უზარმაზარ ხარის რქებს და როდესაც ხარი თავს გააქნევს, მიწის ძვრა ხდება ხოლმე.

უნდა გულახდილათ გამოვტყდეთ, რომ ჩვენ ვერც ამ თეორიას ვემხრობით.

ეს თეორია რომ ჭეშმარიტი იყოს, მაშინ ჩვენს ბედს ძალი არ დაჰყვება და მართლაც რომ „უკუნითი უკუნისამდე“ უზრუნველ ყოფილი ვიქნებოდით მიწისძვრისაგან.

ნეტავი ხარზე იყოს დამოკიდებული მიწის ძვრა!

ჩვენ კარგად ვიცით, რომ ხარი და კამბეჩი ადამიანზე ადრე გრძნობენ ხოლმე მიწის ძვრას, თითქმის წინასწარვე ატყობენ მის მოახლოებას და ისეთი შიში აიტანს ხოლმე მათ, რომ ჩვენი, ადამიანების შიში, მასთან სახსენებელიც არ არის. თუნდა ახლაც, გორის მიწის ძვრის დროს, რამდენიმე ხარი და კამეჩი ჭკუაზე შესცდა თავზარსაგან.

მართლაც და ხარი ვარი ხომ არის, რომ თავის თავს უბედურება დაატეხოს და უღებოდ დროს თავი გააქნოს!

მაშასადამე, „ხარის თეორიაც“ უნდა ხელაღებ უარყოფილ იქნას.

დაგვრჩა „გველეშაპის თეორია“.

ამ თეორიის მიმდევარნი ამბობენ, თითქოს დედამიწა გველეშაპს ჰქონდეს ზურგზე წამოკიდებული და როცა გველეშაპი ბოლოს გააქნევს, მიწის ძვრაც მაშინ ხდებოდეს.

ეს ყველა ჩამოთვლილ თეორიებზე უსუსური თეორიაა და კრიტიკის ოდნავ შეტევასაც ვერ უძლებს.

ყველა ყველა და ჩვენ, ქართველები, მაინც არ უნდა ავციყოლიოს ასეთმა ყოვლად მტკნარმა სიყალბემ!

საიდან გველეშაპზეა დაყრდნობილი ჩვენი ქვეყანა, როდესაც გველეშაპი—ეს ხომ ყველამ იცის—გმირულად გაჰკვირა თავისი შუბით და მოჰკლა კიდევ თერთმა გიორგიმ?..

თუ არც ღმერთის სიმტიცეს, არც ხარის რქებს

და არც გველეშაპის ზურგს ეყრდნობა დედა მიწა, მაშ რაზედღაა დაფუძნებული?

გაკვანდირდებით და ვიტყვით: არაფერზე!

ჩვენ ამას აღვიარებთ წარბშეუხრებლად და საჯაროთ, მთელი პასუხისგების შეგნებით და საბედნიეროთ ამ შემთხვევაში მარტოცა არა ვართ:

იგივე დავით წინასწარმეტყველი იმავე ფსალმუნის მეშვიდე გალობაში თითოვანვე არღვევს წინა გალობაში გამოთქმულ თავისს თეორიას და ჩვენთან ერთად ჰღალადებს:

„უფსკრული, ვითარცა სამოსელი, გარე-მოდებული არს მისა (იგულისხმება: ქვეყანისა)“.

ეს ნიშნავს: ქვეყანას გარს არტყია უფსკრულიო, ე. ი. ქვეყანა არაფერზე არ არის დაფუძნებულიო.

უკეთუ დედამიწა არაფერზე არ არის დაფუძნებული, მაშ საიდან ჩნდება მიწისძვრაო, გვითხავენ ჩვენ.

ვიდრე ჩვენს საკუთარს თეორიას მოგახსენებდეთ ამ საგნის შესახებ, საქაროა მოვიგონოთ, რომ ხდება მიწის ძვრა.

ჯერ იწყება დედამიწის ზედაგის ნელი რყევა და ქვესკნელიდან გუგუნი მოისმის, თითქოს დედამიწა შფოთავს და კვნესისო. შემდეგ რყევა თან და თან ძლიერდება და გუგუნიც მატულობს და, ბოლოს, უფრო ხშირად, მხოლოდ მაშინ თავდება ყველა ეს საზარელი მოვლენა, როდესაც სადმე წიალიდან წიაღვარს, ანუ „ღვას“ ამოხეთქავს.

საქაროა, გულდასმით დავაკვირდეთ მაწისძვრის ზემოდაღწერილ პროცესს. რას მოგვაგონებს იგი, თუ დედამიწას ცოცხალ ორგანიზმს, ამ შემთხვევაში კი ადამიანის ორგანიზმს, შევადარებთ?

ეჭვი არ არის, რომ გულის რევას და პირიდან ლებინებას.

მეცნიერებისათვის გულწიწკობა არ არ ებობს და ჩვენც შეგვიძლია სრულიად გულდამშვიდებით ადვადგინოთ გულის რევისა და პირიდან ლებინების პროცესის სურათი მიწის ძვრის პროცესთან შესადარებლად:

გულისრევის დასაწყისში ადამიანი სწუხს ხოლმე, ოდნავ ბორგავს და კვნესის (ოდნავი რყევა და გუგუნი). შემდეგ ბორგვა მატულობს, შფოთვად იქცევა და კვნესასაც სლოკინი და კონფულსიური სპაზმები სცლის (გახშირებული ძლიერი ბიძგები და გრიალი). ბოლოს პირიდან ლებინება და დამშვიდება (წიაღვარის ამოფრქვევა და მიწისძვრის შეწყვეტა).

ასეთია ამ ორ თანაბარ მოვლენათა საოცარი ანალოგია და ჩვენ გადაჭრით ვამტიცებთ, რომ მიწისძვრა არის დედამიწის გულის რევა და პირიდან ლებინება—სხვა არაფერი.

ღიას! დედამიწა ცოცხალი ორგანიზმია, ისეთივე მგრძნობიარე და გულწიწკი, როგორც

ადამიანი და სრულიად გასაკვირალი არ არის, რომ მას გული აერიოს და წააღებინოს კიდეც!

რა არის ხოლმე მიზეზი მიწის ძვრისა ანუ დედამიწის გულისრევისა?

ჩვენ აქ ვერ გამოუდგებით ყველა იმ მიწისძვრის მიზეზთა ახსნა-განმარტებას, რომელნიც წარსულში მომხდარან. ამისი არც დრო გვაქვს და არც სურვილი. ვიტყვი მხოლოდ იმ მიწისძვრის შესახებ, ჩვენში საქართველოში, რომ იყო ამ დღეებში.

ნურავის ჰგონია თითქოს ბათუმის ამბებისა და და მიწის ძვრის თანხვედრა უბრალო შემთხვევის ბრალი იყოს!

დედა მიწის გულწიწკობამ სწორედ იმ გარემოებას ვერ გაუძლო, რომ აქ, ჩვენს ტერიტორია-

ზე, დემოკრატიულ სახელმწიფოში, სოციალისტ მთავრობის რესპუბლიკაში, იმათ, ვინც თავიანთ თავს სოციალისტებსა და კომუნისტებს უწოდებენ, ენვერ ფაშასთან შეჭრეს კავშირი და თავის წითელ დროშას უკანიდან ხონთქარის მთვარიანი დროშა ამოაფარეს.


ვერ გაუძლო და აერია გული.

ძვირად დაგვიჯდა ჩვენ დედამიწის ეს გულის რევა.


ცხრაჯერ უფრო ძვირად უნდა დაუსვათ უტიფრობა იმათ, ვინც ბათუმსა და სამაჰმადიანო საქართველოში წყალს გვიმღვრევენ და ორმოს გვითხრიან.

თავუნა.


### ცხოვრება და მეცნიერება.




ცნობილმა ქართველმა მეცნიერმა ლუარსაბ უძრავაძემ თვალსაჩინოთ გააუმჯობესა მიწის ძვრის მაჩვენებელი იარაღი სეისმოგრაფი და დიდის სიფრთხილით დასდგა თებერვლის 19-ს ობსერვატორიაში.



თებერვლის ოცს, რაღაც მიზეზების გამო, თბილისში სახლები შეინძრა, ხოლო გორსა და მის მიდამოებში კიდევაც დაინგრა და მრავალი ხალხი იმსხვერპლა. ლუარსაბ უძრავაძემ ეს წგრევის სურათი თავის თვალთ ნახა და ვინაიდან ამ საშინელ უბედურებას ყველა მიწის ძვრას აწერდა, დაუყოვნებლივ გაეშურა სეისმოგრაფის დასათვალიერებლად.




ლუარსაბ უძრავადეს სეისმოგრაფი სრულიად უძრავათ დახვდა, ისე, როგორც მან დასტოვა.  
 — როდის უნდა მოედოს ბოლო ამ ხალხის ცრუმორწმუნეობას! — დინჯათ წარმოსთქვა მან: თუ  
 მაგათ დაეუჯერეთ, სახლები უფრო მგრძნობიარე ყოფილან, ვიდრე ჩემ მიერ გაუმჯობესებული სეი-  
 სმოგრაფი! რის მიწის ძვრა, რა მიწის ძვრა!



გორის ამბები დაეიწყებას მიეცა. დანგრეული ქალაქი კვლავ აშენდა და ქვეყანაზე სრული მშვი-  
 დობა დაშარდა. ამ ხნის განმავლობაში ლუარსაბ უძრავადე განუწყვეტლივ ობსერვატორიის სამუ-  
 შაოში იყო თავ-ჩარგული.

ერთ პატარა ქუჩის ბიჭს მოსწყინდა ქუჩაში ხეტიალი, ობსერვატორიის ეზოში გადაძვრა და  
 უცებ სეისმოგრაფს წააწყდა. არ მოეწონა, ჯოხი უთავაზა და მოჰკურცხლა.



ლუარსაბ უძრავადე დანიშნულ დროს მივიდა სეისმოგრაფის დასათვალისწინებლად.  
 — ჰოი საშინელებავ! — შესძახა მან: როგორ დაქცეულა ქვეყნიერება!



# შექანჯალებულის ლექსები.

ჰერი, ბიქო, ჰერი, ჰერი  
 მოვიპარსე წალდით წვერი,  
 ერთი მაგრად შეინძერი—  
 ქვესკნელიდან ამოვძვერი...  
 ამ დროს თურმე მიწა იძრა,  
 და გორი სულ მთლად დაიმტვრა.  
 საქმე მოხდა საზარელი,  
 საშინელი, საძაგელი.  
 რა ქალაქი განადგურდა!  
 ბევრი მოჰკვდა.. გაიქურდა..  
 მივსცეთ ხელი მაშ ერთმანეთს,  
 თითოეული იმდენ მანეთს,  
 რამდენსაც რომ დღეში ვიღებთ,  
 თუ კი მოძმესთვის გავიღებთ,  
 ტანჯვასაც შეუძსუბუქებთ,  
 უფს იმედით გაუშუქებთ!  
 ერთ დღეს მხოლოდ ხახვი ვკამოთ—  
 ტანჯულ მოძმეს კი ვამოთ!  
 ვანო, ბესო, კესო, ლილი!  
 შევიტანოთ ჩვენი წვლილი,  
 ზოკმა მსხვილი, ზოგმა წვრილი,  
 მოძმესათვის თავი დავდოთ,  
 დღიური ქირა გადავდოთ..  
 მაშ, ჰა, ასე, ჩემო ლილი,  
 დიპტი პიტო, დილი—დილი,  
 კამფეტისგან მტკივა კბილი—  
 ჩაიყარე პირში ფქვილი:  
 აბა ნახე, თუა ტკბილი..

## II.

ჰა, ჰა, ჰა, ჰა, ხა, ხა, ხა, ხა,!!  
 სიცილისგან მტკივა ხახა,  
 სიცილისგან მეწვის ყელი,  
 საქმე გითხრათ საცინელი!!!  
 იცით, რად ინძრა ქვესკნელი??  
 —თურმე ქვესკნელის ტარტაროზს  
 ჩვენ მთავრობამ შეუთვალა:  
 •ქვესკნელისა კომისარო,  
 ჯურღმულეების ხარ მართველი,  
 კარგად იცი, რომ ქართველი  
 ხალხი აღსდგა, აღორძინდა  
 და ტფილისში დაქორწინდა,  
 მრავალს მზეც ამოუბრწყინდა,  
 სრა-სასახლეშიც შებრწყინდა,  
 (კარგი ყოფნა, ვის მოსწყინდა!!)  
 ბევრსაც არ აქვს წაღა, წინდა,  
 არც საქმელი, არც საკვები,  
 ბინათ აქვთ ცივი ქუჩები,  
 არც ვსთქვა ცოტა, და არც მეტი—  
 ბევრს აქვს ოთახი ზედმეტი—  
 შეუყვარდათ ყოფნა ვრცელი,

გაეფუყათ კუჭ მუცელი,  
 მკიდროთ იცხოვრონ, რა უჭირთ,  
 შეიყუდრონ, ვისაც უჭირთ!..  
 ჰო, და ახლა თქვენ მიბრძანეთ,  
 რავექნა, ვერ გამოვებრძანეთ  
 სახლებიდან ხალხი გარედ..  
 ვიტანჯებით ერთობ მწარედ:  
 რა ვქენით, რა არ ვიღონეთ;  
 რა ხერხი არ მოვიგონეთ..  
 მეტი აღარ შეგვწევს ძალა,  
 სახლები არვინ დასცალა,  
 და თუ რომ ხელს გავვიმართავთ,  
 ეხლა, მხოლოდ თქვენ მოგმართავთ:  
 —„აჩვენეთ, მათ თქვენი ძალა,  
 გთხოვთ, ტფილისი შეაქანე,  
 და ეს ხალხი, გეთაყვანე—  
 ერთი გარედ გაიყვანე,  
 რომ სიცივე აგრძნობინოთ,  
 ნახონ სიცივე უბინოთ,  
 როგორია და რა ხილი!  
 მაგრამ კი იყავით ფრთხილი;  
 რომ ბერკეტი ტფილისს თავად  
 არ ამოსდო მწყურალად, ავად,  
 სულ მთლად არ გავგანადგურო,  
 თუ არ გსურს რომ მოგვამდგურო,  
 ისე, მისდევთ, შორიდან,  
 აი, თუ გინდა, გორიდან!!.“  
 ამ დროს თურმე ტარტაროზი  
 ქეიფობდა და რამთვრალა,  
 ამ ცნობამ სულ მთლად შეჰშალა,  
 ნერვები თლად აუშალა,  
 და რაც ქონდა ღონე-ძალა—  
 გორს ამოსდო, აქანჯალა,  
 რომ ექცია ერთობ ფერფლად,  
 და შესწირა ტფილისს მსხვერპლად.  
 მაგიერად ტფილისი კი  
 აცეკვა და აკანკალა,  
 ხალხი ზეზე წამოშალა,  
 და ქუჩებში გამოშალა,  
 და სახლებიც დაიცალა!!  
 არვის მოსდიოდა ძილი..  
 თებრო, კატო, კესო, ლილი,  
 შუა ღამით, თოვლ ყინვებში  
 სეირნობდნენ შვა ქუჩებში  
 უცევავდათ ყინვით კბილი  
 და სიმღერა ჰქონდათ ტკბილი:  
 „შუა ღამით, ცივს ქუჩებში,  
 ყანვა გვკოცნის ნაზ ტუჩებში,  
 უბინობა რა ძნელია,  
 რა ყოფლა, რა ძნელია.  
 ვინ შეგვიძრა ქვესკნელია,  
 ოდელია, ოდელია.“  
 ამ დროს ქუჩებს ჩაუარე




და სულ ყველას შეეხარხარე:  
 ხა, ხა, ხა, ხა, ხი, ხი, ხი, ხი,—  
 გაგიშეშდათ ყინვით ფეხი?!?!  
 ხა, ხა, ხა, ხა, ხი, ხი, ხი, ხი!  
 ხომ დასც ლეთ სწრაფლ ოთახი —  
 ახი, არის თქვენზე ახი!  
 მე მთავრობამ დამაფალა,  
 ოთახები დამეთვალა,  
 ყველგან ოთახში შევძიე რი,  
 და რა ვნახე: ჰერი, ჰერი!!  
 რა ცხოვრება და რა გემო!  
 ღმერთო ჩემო, ღმერთო ჩემო...  
 იგერ „სპალნა,“ კაბინეტი,  
 „სასადილო,“ იქ სასტუმრო,  
 საქმე არ იყო სახურო,  
 იქ „საბავშვო“ „საგადილო“  
 უპ, რამდენი ჩამოვთვალო!!  
 ეს რა ვნახე, უპ, უფალო.


შიგ ნოხები, ფარდაგები—  
 ჩაიმასქნილ, მონაგები,  
 ოთახები მოწყობილი,—  
 დავრჩი ერთობ კმაყოფილი.  
 ოთახები რა დავთვალე,  
 შემოვძახე ლალე, ლალე—  
 და მთავრობას მოვახსენე,  
 უბინონიკ გავახსენე—  
 რომ გყოლოდით ჩქვენაც „სჩოტში“..  
 ოთახები კი „უჩოტში“  
 ჩვენთვისაც შემოენახა.  
 ჰო, ჰო, თვალმა ეს რა ნახა,  
 რა სიმდიდრე, რა ამბავი..  
 დამიბრუვდა უცებ თავი  
 და ჩემ თავშიც მიწა იძრა,  
 სიცივით ტვინი დამიზრა.

შექანჯალეული.

### რათ ხდება მიწის ძერა.




ხალხის შარით დედამიწა გველეშაპის ბოლოზეა დამყარებული. როდესაც ეშმაკს გასართობი მო-  
 ნატრება, გველეშაპს ცხვირში შეუღოტინებს.




მაშინ გველაშაპი ბოლოს დაანძრევს და დედამიწაც იძვრის.  
 ჩვენი ობსერვატორია ამ ხალხურ თეორიას სავსებით არ იზიარებს.

# მიწის ძვრა ქალაქ გორში.




ძველის-ძველი ქართული ეკლესია, დანგრეული მიწის ძვრისაგან თებერვლის 20 ქ. გორში.




გორის სამაზრო საფრებო გამგეობის შენობა, მიწის ძვრისაგან დანგრეული თებერვლის 20.



# მიწის ძვრა ქალაქ გორში.



მთის პირის ქუჩა დაზარეული მიწის ძვრისაგან თებერვლის 20-ს. სურათზე მოსჩანს აგრეთვე დიდებული ქგორის ქუჩის ნანგრევებიც.



მიწის ძვრისაგან დაზარეული დარბაზი.

# პატარა ფელეტონი.

## საიდან წარმოსდგება მიწის ძვრა.

ვერ წარმოგიდგენია ქართველი კაცი, რომელსაც ღღეს ენაზე მიწის ძვრა არ ეკეროს. ყველას აინტერესებს იმ მიზეზთა გაგება, რომლისგანაც წარმოსდგება ეს ფრიალ ზარდაცემი და განმანადგურებელი მოვლენა. დღევანდელ იმ საშიშარ ამბავთა შემდეგ, რომლის მოწამენიც ჩვენ ვართ, ასეთი სურვილი დიახაც რომ კანონიერ სურვილათ შეიძლება ჩაითვალოს.

ჩემი განზრახვაა თანაგრძნობით შევეგებო ამ სურვილს და ბებია ჩემი ანუსის პირით გავუშუქო ქართველ ინტელიგენციას ნამდვილი მიზეზები მიწის ძვრისა.

ბებია ჩემი ანუსი მკვიდრი დედინაცვალის გახლდათ მიჩემისა. ის უკვე მეოთხმოცდა სამეტე წელს კადამდგარი და მიუხედავად მისი წლოვანობისა ერთობ განვითარებული და გონება გახსნილი ადამიანია. დარწმუნებული ვარ მას ვერავინ დასწამებს ვერც ახალგაზრდური სიშმაგით გატაცებას, ვერც ცხოვრების უცოდინარობას, ვერც ახალი ევროპული მეცნიერებისადმი მიკერძებას. ის კარაბადინის მეცნიერებით აღზრდილია, და თანაც სარწმუნოების საქმეში ჩახედული, ვინაიდან პირველი მეუღლე მისი მამა ლეონტი დეკანოზი იყო.

— ქვეყანა, შვილო, დღემდე უნდა დანგრეული იყო. დინჯათ და სრულის შეგნებით დაიწყო ანუსიმ.

- რატომ ბები, რა დაუშავებია ქვეყანას?
- კი დაუშავებია, შვილო, დიდი დაუშავებია.
- მაინც, მაინც.
- მაინც რომელი გითხრა. ვინ ინახავს შვილო ახლანდელ დროში მარხვას?

მე ენა ჩამივარდა, პასუხი ვეღარ ვიპოვე. გუნებაში კი ვფიქრობდი:

— რა ღმერთი გამიწყრა, მე რატომ ვერ მივხვდი ამას, ბებია ჩემზე უფრო ნასწავლიცა ვარ და წარმოიდგინეთ უფრო ახალგაზრდაც. ჩემი მწუხარება უმეტეს გაიზარდა, როცა დავინახე, რომ ბებიაჩემსავით მსჯელობდა თითქმის ყველა ნაციონალ დემოკრატი.

— მარტო მარხვაზე რომ იყოს, საქმე ყოვლად სახიერი კიდევ გვაპატიებდა, მაგრამ შვილო, შეხედე რას უშვებიან მღვდლებს... ღმერთი ამას ყველაფერს ხედავს...

ბებია ჩემმა ანუსიმ კვლავ შეისვენა; არა იმისთვის რომ ქვეყნის დანაშაულობანი და მიწის ძვრის მიზეზნი მოეფიქრებია, არა, ეს იმას მზადა აქვს, არამედ იმისთვის, რომ დაიღალა. რა ბედნიერი ვიქნებოდი მე და ჩემთან ერთად მთელი სა-

ქართველო, რომ ჩემს ანუსი ბებიას დებუტატი შენგელაიას ლაპარაკის ენერგია და უნარი მისცა, ჭკუაზე არ შეეცხებოდა პატივცემულ ორატორს. მაშინ მთელი მიზეზები მიწის ძვრისა თვალწინ გვექნებოდა.

მღვდლების გაგონებაზე მე გული კვლავ სიბრალოულითა და ბაზით ამეფსო. მებრალებოდა მღვდლები და მატრახებდა კვლავ ეს ჩემი შეუგნებლობა. ნაციონალ დემოკრატები რამდენი ხანია ამას ამტკიცებენ: თუ მღვდლებს ხაზინიდან ჯამაგირები არ დაენიშნა, უთუოდ მაშა იძრებოდა. დღემდე მათ ყურადღებას არავინ აქცევდა.

— ბებია ჩემო, გავბედე მე შეკამათება, შენ ასე ამბობ და იქ სეისმოგრაფი კი სულ სხვას გვანიშნებს.

- სადაურია შვილო?
- კარგათ არ ვიცი, ღმერთმანი, მგონი გერმანული უნდა იყოს.
- ვორონცოვი რომ იყო, იმისი რა არის, შვილო?
- რომელი ვორონცოვი ბები?
- აი ნამესტლიკი რომ იყო, შვილო.
- მერე იმისი რა უნდა იყოს...
- შენ არ იცი, ჩემო ბიჭუნო, ისიც გრაფი იყო, ნამდვილი გრაფი იყო.
- გრაფი კი იყო, მეც ვიცი.
- ჰოდა ასეა, შვილო, შენ აკი სთქვი გრაფმა სხვა გვითხრაო. მე მეგონა, თქვენ ყველა გრაფები და კნიაზები მოსპეთ...
- არა, ბები, მე სეისმოგრაფზე ვლაპარაკობ...
- ჰო, მეც იმაზე, შვილო, მეც...
- სეისმოგრაფი იარაღია ბები.
- რა ეშმაკების იარაღია, კინაღამ დავიბენი...

ცოტა წყენით წარმოსთქვა ბებია ჩემმა.

— ის იარაღია, ანუსი ქალო, რომელიც უჩვენებს მიწის ძვრა იყოვო.

ამას, ბებია გენაცვალოს, მეც კი გეტყობი, ამისთვის გრაფებს რაღას აწუხებდით შვილო.

— ბებია ჩემო, აკი გითხარი რომ ის გრაფი არ არის და არც კნიაზი...

— კი, მივხვდი შვილო, მივხვდი... მე იმას ვამბობ, რომ ეს გრაფები და კნიაზები მოსპეთ და თქვენ სხვა გრაფები მოიგონეთ, ამას ყველაფერს ხედავს, შვილო, ღმერთი.

მე კვლავ შურმა წამიღო. კარგათ ვიცი რომ ბებია ჩემი უპარტიოა, არცერთ მოქმედ ჯგუფს ის არ ეკედლება. მაშ საიდან მოხდა რომ ღღეს ეს გონიერი ადამიანი ასე პირწმინდათ იმეორებს ნაციონალ დემოკრატების დებულებებს? ნუ თუ უღალატა ოჯახს ბებია ჩემმა ანუსიმ?

— შვილო, — ჩურჩულით ჩამილაპარაკა ანუსიმ, — შენ ამდენს გეხვეწები და სიკეთეს არ შეგები, სხვებს კი ხუთ-ხუთი ჯვარ დაუწერელი ცოლები ყავთ... შენ გგონია ამას არ ხედავს ღმერთი?

— თუ ასეა, ბები, მაშინ სათათრეთი სულ უნდა ამოეგდო იმ დალოცვილს. იმათ ხუთ-ხუთი კი არა, ოც-ოცი ცოლები ყავთ და ყველა ჯვარ დაუწერლები არიან.

— არა, შვილო, ისინი თათრები არიან და ამას ღმერთი ხედავს. ღმერთი, შვილო, ყველა ამას ხედავს... ქვეყანა კარგა ხნით აღრე უნდა დაქცეულიყო...

კიდევ ერთი ზედმეტი არგუმენტი ბებია ჩემის განაცხონალ დემოკრატებსა. როგორც ხედავთ, მას თათრები არ ემეტება გასანადგურებლათ, საქართველო-კი. ახირებული საქმეა.


ერთს კი მოგახსენებთ გულახდილათ. მე საზოგადოთ პარტიული განხეავება ისე არ მაბრმავებს, რომ მოწინააღმდეგის კარგი მხარე ვერ დავინახო. ბებია ჩემი ისეთის დაბეჯითებით ასაბუთებს თავის მოსაზრებებს, რომ მზათ ვარ აღვიარო მათი სრული ქეშპარიტება. ამით რასაკვირველია არა მსურს ავდგე და პირდაპირ ნაციონალ-დემოკრატთა პარტიაში გადავხტე. მე ჩემთვის დავრჩები... მათთვის ბებია ჩემიც დიდი შემატება იქნება.

მორიელი.




„რომელმან დააფუძნა ქვეყანა სიმტკიცესა ზედა თვისა, არა შეიძრას იგი უკუნითი უკუნისამდე.“  
(ფსალმ. დავითისი.)

ფოტოგრაფიული სურათები, რომელთაც ჩვენი ყურნალის ამ ნომერში ვათავსებთ, გადაღებულია საქციონერო საზოგადოების „ფილმის“ დირექტორის ვ. ტ. ბარსკის მიერ. ის ამ მიზნით გაემგზავრა უბედურების აღვილას და გადაიღო სურათები სინემატოგრაფის ლენტეხზე, რომელსაც უკვე 23 თებერვლიდან აჩვენებენ, აპოლოსა დი კინო-პალასში. ვსაც ამგვარი სურათების შექმნა სურს, უნდა მიმართოს „ფილმის“ კანტორას პლენანოვის პრეს. № 138. სურათების ფასი გადაეცემა მიწის ძვანისგან დაზარალებულთა დამხმარე ფონდს. „ეშქაკის მათრახის“ რედაქცია თავის მხრივ მადლობას უძღვნის ბ-ნ ბარსკის სურათების დათმობისათვის.



# ქველმოქმედება




ჩვენს მეუღლეებს, პელოს და მელოს, ვინ არ იცნობს? ისინი დამსახურებული საზოგადო მოღვაწენი არიან.

თებერვლის 19-საც, ჩვეულებისამებრ, ნაშუალამევის 2 1/2 საათზე დაბრუნდნენ ისინი ქართული ან, დაისვენეს და ჩაის სუფრას მოუსხდნენ. ვნახოთ, უცებ სახლი შეინძრა, სამოვარმა ცეცხლი დაიწყო. — ვიღუპებით! — შეჭკვილეს პელომ და მელომ...




კვილმა გამოგვადვიდა, წამოვიჭერთ ლოგინებიდან, გულის ფანცქალით შევიჭკრიტეთ მეუღლეების ოთახში და თვალწინ გულშემზარავი უსურათი გადაგვეშალა.



სასწაფოთ მოწვეულ ექიმების კონსილიუმმა სანუგემო ვერაფერი გვითხრა. ჩვენს მწუხარებას საზღვარი არა ჰქონდა; სულთმობრძავი პელო და მელო სარეცელზე გვესვენენ.



გაზეთებმა ჩვენს ქირს ქირი დაუბრათ; იქ ეწერა: „ქალაქი გორი და აქლო მახლო სოფლები მიწის ძვრისაგან განადგურებულია... საჭიროა დაუყონებლივი დახმარება“... ამის გაგონებაზე პელო და მელი გიყებოვით წამოიჭრენ.. ფიცხლავ მოირთენ და გაჭკრენ.




კნკინა დარეჯანის ბინაზე ჟირცხლავ გაიმართა მანდილოსანთა კრება. გადაწყდა: „გაიმართოს გრანდიოზული საღამო მიწისძვრისაგან დაზარალებულთა სასარგებლოთ“.



ამოძრავდა დიდი და პატარა. ამუშავდენ მკერავები. ისედაც მოუცლელ პელოსა და მელოსა, დღეში სამჯერ უხდებოდათ მკერავთან შესვლა საღამოსთვის დაკვეთილ კაბების მოსარგებლოთ



სანოვაგით დატვირთული მუშები სიმძიმის ქვეშ იზნიკებოდნენ და ოფლის ღვრით მიაბიჯებდნენ „სალამოს“ დარბაზისაკენ.



ჩვენს ოჯახში ამ დროს სრული წესრიგი და მშვიდობიანობა სუფევდა: ბავშვები წიგნს კითხულობდნენ, ხოლო ძუძუ-მწოვარა აკვანში „ტაი-ტაის“ იძახოდა.



სალამომ ყოველსავე მოლოდინს გადააჭარბა: ზეიმმა დილის 7 საათამდე გატანა; შეისვა დაახლოებით 200 ჩაფი ღვინო, შეიკაპა 70 ინდაური, 50 გოჭი, მრავალი ლოქო, ზურგიელი და ორაგული, 100 გირვანქა ხიზილალა და 200 თეთრი პური. ეს ვარემოება ქალაქის ბაზარმა ფასების გამატებით აღნიშნა მეორე დღესვე. დაიმტვრა 500 ღვინის ბოთლი, 2000 თევში, აძენივე კიქა, სამოცამდე ცხვირი და სხვა მრავალი ჭურჭლეულობა. პელო და მელო სახლში არ დაბრუნებულან.



მესამე დღეს სალამოს მომწყობ კომიტეტს ანგარიშები წარმოუდგინეს.  
ამ დროს პელო და მელო სახლში იმყოფებოდნენ




სალამოს მომწყობ კომისიის კრებამ განიხილა ყველა ანგარიშები და აღმოაჩინა 13000 მანეთის ზარალი.

გადაწყდა: ვინაიდან ეს სალამო მიწის ძვრისაგან დაზარალებულთა სასარგებლოდ იყო გამართული, დაევალოს მთავრობის მიერ დაარსებულს მიწის ძვრისაგან დაზარალებულთა დამხმარე საგანგებო კომიტეტს ზემო აღნიშნული ზარალის დაუყოვნებლივ ანაზღაურება.



ო.შ.გ

# გორს დაეხმარეთ!



მთავრობამ ბრძანა: „გორის უილ აეგოს გორი კვლავაცო.“  
 ეჰა, ქართველო, კირშიგან ჰხამს გული გაიმამაცო!  
 მოიკელ ამა ეამისად მოლხენაც, სმაჯა, ჭამაცო,  
 გორს დაეხმარეთ ყველანი: შვილიც, დედაც და შამაცო!



სახელმწიფო სტამბა.